



Inatsisartut aaliangiiffigisassaattut siunnersuut, Naalakkersuisut peqquneqassasut kingusinnerpaamik UPA2017-mi allannguutissamik siunnersuuteqassasut, Kalaallit Nunaannut suliffissarsiortut killilersimaarnissaat pillugu Inatsisartut inatsisaanni § 6 imm. 3-mi, sulisitsisut atorfinitsitinissamik qinnuteqarnerisa kingorna ullut 14-it qaangiunneratigut kommune piffissap iluani aaliangiisimangippat, ingerlaannartumik atorfinitsitinnaanerup atorunnaarsinneqarnissaa pillugu.

(Inatsisartunut ilaasortaq Per Rosing-Petersen, Partii Naleraq)
(Siullermeerneqarnera)

Demokraatit pingaartitaraat maani nunami inuussutissarsiornermi atugassarititaasut pitsaanerpaamik inissisimanissaa. Suliffeqarfik ajunnginnerpaamik ingerlassappat avaqqunneqarsinnaangilaq sulisinnaassuseq pisariaqartinneqartoq pissarsiarisinnaagaa siunertamut ingerlanissaminut aqutissiuussisinnaasumut.

Isumaqarpugut pingaaruteqarluinnartoq suliffeqarfik sulisussarsiornermini nunatta sulisinnaasuinik ujarlissasoq suliffissaaleqineq maannakkut apparitortoq takusarput anikillisaaqataaffiginiarlugu. Kisiannili suliffeqarfik pisariaqartitai puigussanngilagut.

Suliffeqarfinnut aporfiussanngilaq kommuneni sulilersitsinissamut akuersissutit avataaniillu tikisitanut tunngasunik sulianik aaliangiisarneq kigaatsumik ingerlanneqarneri pissutigalugu.

Tamanna pineqartillugu isumaqarpugut aqqissuussineq, amigartumik naliliisarneq isumaqartoq suliffeqarfik akuersissummik pisinnaasoq pissusissamisoortoq.

Pisortaqarfinniit kigaatsumik ingerlatseriaaseqarneq namminersorlutik suliffiuteqarfiutilinnut eqquinerlussanngilaq taakkuummatami nunatsinni suliffissanik inuussutissarsiornermillu siuarsaasut.

Taamatut oqarluta siunnersuut itigartinneqarnissaa inassutigaarput.